

KERATAN AKHBAR-AKHBAR TEMPATAN
TARIKH: 4 MEI 2015 (ISNIN)

Bil	Tajuk	Akhbar
1.	MOSTI komited pacu produk inovasi berimpak tinggi	Harian Metro
2.	Agih RM11 juta rangsang produktiviti PKS	Harian Metro

KERATAN AKHBAR
HARIAN METRO (BISNES) : MUKA SURAT 41
TARIKH: 04 MEI 2015 (ISNIN)



DR Abu Bakar (kanan) bersama Shaik Sulaiman (tengah) dan Saifol Bahri semasa merasmikan Bazar Inovasi di Premium Sentral, Kuala Lumpur.

BERI GERAN RM290J

■ MOSTI komited pacu produk inovasi berimpak tinggi

Oleh Sri Ayu Kartika Amri
kartika@hmetro.com.my
Kuala Lumpur

Kementerian Sains, Teknologi dan Alam Sekitar (MOSTI) komited mewujudkan produk berinovasi negara yang berimpak tinggi menerusi pemberian geran bernilai RM290 juta tahun ini kepada mereka yang layak.

Timbalan Menteri Datuk Dr Abu Bakar Mohamad Diah berkata, pihaknya menyasarkan untuk meluluskan sekurang-kurangnya RM270 juta daripada keseluruhan peruntukan itu untuk melaksanakan kira-kira 200 projek menjelang akhir tahun ini.

Katanya, MOSTI juga berada di landasan tepat untuk mencapai 360 produk inovasi berimpak tinggi menjelang 2020 sebagai usaha merancang aktiviti pengkomersialan produk berino-

“Kami yakin sasaran berkenaan mampu direalisasikan menerusi pelancaran Bazar Inovasi yang akan mengetengahkan produk inovatif tempatan ke pengetahuan umum”

Dr Abu Bakar Mohamad Diah

vasi di negara ini.

“Kami yakin sasaran berkenaan mampu direalisasikan menerusi pelancaran Bazar Inovasi yang akan mengetengahkan produk inovatif tempatan ke pengetahuan umum, sekaligus menyediakan platform kepada pengusahanya untuk mempromosikan pro-

duk mereka.

“Bagi tahun ini saja, sebanyak 12 produk yang dihasilkan menerusi geran yang disediakan MOSTI sudah dikenal pasti mencapai standard tinggi dan berpotensi untuk dikomersialkan,” katanya selepas pelancaran Bazar Inovasi dan Forum Pasaran Dinamik bagi perusahaan idea kreatif dan inovatif di sini, semalam.

Hadir sama, Timbalan Ketua Pegawai Eksekutif SME Corp Malaysia, Saifol Bahri Shamlan dan Presiden Persatuan Kreatif dan Inovasi Malaysia (MACRI), Datuk Shaik Sulaiman Ismail.

Abu Bakar berkata, Malaysia kekurangan pendedahan produk inovasi yang dihasilkan berikutan usahawan yang terbabit tidak mempunyai platform sesuai untuk mengetengahkan rekaan mereka ke peringkat umum.

“Bazar Inovasi ini adalah yang pertama diperkenalkan dan ia dijangka menjadi platform kepada pengeluar produk inovasi mendapatkan maklumat lebih lanjut untuk mendapatkan geran di bawah MOSTI serta mengkomersialkan produk mereka.

“Jika bazar ini mendapat sambutan, kami akan melaksanakannya setiap minggu,” katanya.

Menerusi Rancangan Malaysia Kesembilan (RMK9) dan RMK10, MOSTI memperuntukkan masing-masing dana sejumlah RM2.89 bilion dan RM906 juta bagi menjalankan aktiviti memacu dan membangunkan aktiviti penyelidikan, pembangunan serta pengkomersialan di negara ini.

Peruntukan dana berkenaan antara lain bagi Dana Sains, Dana PraPengkomersialan, Kajian dan Penyelidikan Pengkomersialan.

**KERATAN AKHBAR
HARIAN METRO (BISNES) : MUKA SURAT 41
TARIKH: 04 MEI 2015 (ISNIN)**

Agih RM11 juta rangsang produktiviti PKS

Kuala Lumpur: Kementerian Perdagangan Antarabangsa dan Industri (MITI) sudah mengagihkan RM11 juta daripada RM128 juta peruntukan yang ditetapkan bagi merangsang produktiviti dalam kalangan perusahaan kecil dan sederhana (PKS) di bawah Program Peningkatan Produktiviti dan Inovasi Perusahaan Kecil (PKS) sehingga April ini.

Menterinya Datuk Seri Mustapa Mohamed berkata program membabitkan empat kerjasama antara agensi kerajaan dan swasta terbabit

menyaksikan sebanyak 119 projek sedang dilaksanakan, 10 sudah selesai manakala 429 lagi sedang dalam perancangan bagi dilaksanakan.

“Program ini bertujuan memacu pertumbuhan produktiviti PKS iaitu tulang belakang kepada ekonomi negara sekali gus meningkatkan purata pendapatan PKS daripada RM50,000 kini kepada RM91,000 pada 2020,” katanya pada sidang media bersempena taklimat Program Peningkatan Produktiviti dan Inovasi PKS di sini, baru-baru ini.

Program itu dibahagikan kepada empat program iaitu Rangkaian Kajian Awam-Swasta (PPRN) membabitkan kerjasama Kementerian Pendidikan, Perbadanan PKS (SME Corp) dan Perbadanan Pembangunan Teknologi Malaysia (MTDC).

Selain itu, terdapat program kerjasama antara Sirim-Fraunhofer, Agensi Inovasi Malaysia (AIM)-Steinbeis dan Platcom Ventures iaitu kerjasama antara SME Corp dan AIM.

Beliau berkata, inisiatif khusus bagi golongan PKS

itu adalah penting untuk meningkatkan kadar pertumbuhan produktiviti tahunan negara yang kini berada pada tahap 2.3 peratus di mana ia lebih rendah berbanding Thailand sebanyak 2.9 peratus dan Indonesia (5.7 peratus)

“Produktiviti adalah penting bagi mencapai status negara berpendapatan tinggi menjelang 2020 di mana negara perlu mencapai sasaran empat peratus bagi memastikan hasrat terbabit tercapai dalam tempoh lima tahun akan datang,” katanya.